

8. Qui peccaverit mihi, clamat ipse de caelis Iehovah, delebo eum de libro vitae: Et si avertet se iustus à justitia sua, nunquid vivet? in pravaricatione, qua pravaricatus est, & in peccato suo, quod peccavit, in ipso morietur. Exod. 32, 33. Iezech. 18, 24.

9. Idem Servator pluribus explicat, cum, in-quiens, Spiritus immundus exierit ab homine, ambulat per loca aëria, quærens requiem & non inveniens, dicit, revertar in domum meam vnde exivi: & cum venerit, invenit eam scopis mundatam: Tunc vadit & assumit septem alios Spiritus nocentiores ipso, & ingressi habitant ibi, & fiunt extrema hominis illius peiora primis Luc. 11, 24. & seqq.

10. Paulus vide inquit, bonitatem ac severitatem Dei: in eos quidem qui ceciderunt, severitatem: in te vero bonitatem, si permanseris in bonitate: alioquin & tu excinderis: Et illi rursum, si non permanserint in incredulitate inserentur. Potest enim Deus denuò illos inserere, Rom. 11, 22. & 23.

11. Hinc Romanis, certè renatis, hunc subinde ingeminat Aphorismum: si secundum carnem vixeritis, moriemini: Et Galatis suis, prius conversis graviter attestatur, nisi maturè pedem referant, fore, ut gratia excidant, & Christus eis nihil profit, Rom. 8, 13. Gal. 5, 4.

Quin